



UNIVERSITÄTS-
BIBLIOTHEK
PADERBORN

Universitätsbibliothek Paderborn

Acta Ecclesiae Mediolanensis

Acta Synodalia Dioecesana Ecclesiae Mediolanensis, Pars Secunda

Borromeo, Carlo

Brixiae, 1603

De Bibliotheca, eiusq[ue] Praefecto. Cap. IX.

urn:nbn:de:hbz:466:1-11399

Matutino, & Vespertino tempore, cum clerici ad latrinas eunt, illos aliquando obseruent, studeantque si fieri possit, vt soli eant, ac ibi noctu lucernam accendi curent.

Cum aliquis ad res communes cum ceteris non conuenerit, & a communi cœtu abfuerit, si vbi sit ignorent, cum per se, aut per alium fidelẽm querant.

Si quid alicui clericorum, ad victum, & cultum, aut ad valetudinem opus esse cognouerint, superiorem moneant.

Notent eos, qui literas ad alios scribunt, itemque eos, qui nimia familiaritate inter se vtuntur, aut quos existimant in cubiculo, vel in consuetudine esse separandos, de que ijs Rectorem commonefaciant.

Temporibus orationi, & studijs dicitis, ne ambulent ipsi in Dormitorio, neque alios ambulare sinant, aut quauis ratione tumultum fieri, aut quemquam loci qui non nisi urgente necessitate, idque submissa voce, & latine.

Cum aliquis a recreationis loco, aliozve cœtu discendendi veniam petet, si diutius sit absfuturus. (præterquam si ad ianuam de Rectore licentia vocetur) potestatem ne faciant, sed ad superiorẽ pro facultate obtinenda mittant, caueat autem, nec duos vnquam solos, quouis abire permittant.

Cum animi relaxandi gratia deambulationem clericis mittantur, videant, ne tumultuosè vociferentur; ne alij ab alijs secedant; ne aliquid ad comedendum emant; ne lapides iaciant, aut alia contra, aut præter decorum admittant; ne uis ludis vtantur, qui constitutionibus Seminarij prohibentur: Curent autem, vt moderata deambulatione corpus exerceant.

Clericos e Dormitorio exeuntes committentur, nec permittant, vt in reditu a gymnasijs, aut alio quouis loco, exercitijs se ingerant, aut cum ijs commoventur.

Nemini ad alterius locum eundi veniam concedant, nisi iusta de causa, si bi que probata.

Interdum etiam inuestigent, an Ianitores vocandi a Rectore veniam obtinerint.

Sive in loco recreationi assignato, siue alibi clerici fuerint, ipsi præsentibus adsint.

Examine Vesperti absoluto, curent luminaria omnia; præter lampades in Dormitorio alijsque locis, extinguant.

Præfati, qui alijs discendentibus dormi manserint, clericos omnes, qui non exierint; cuiuscunque cubiculi sint, commendatos habeant.

Si qua in re a Rectore obiurgati fuerint, æquo animo ferant, ac pœnas ab eo iniunctas promptè persoluant.

De Bibliotheca, eiusque Præfecto.
Cap. I X.

Certus constituatur in Seminario Bibliothecæ locus, vbi volumina, librique omnes asseruentur.

In ea armaria aliquot exstruantur, in iisdem libri, ac volumina, nõ aceruati, sed ordine disponantur.

Index præterea fiat, in quo pro disciplinarum genere, aut pro alphabeti ratione, volumina singula, notentur, addito etiam loco impressionis, & forma voluminis.

Isque index certo loco in perpetuũ asseruetur, notatis etiã deinceps ordine alijs libris, quicunque in posterum eidem Bibliothecæ quouis modo accesserint.

Constituatur aut aliquis, qui eiusdem Bibliothecæ curæ diligenter præsit. Is libros oēs a sordibus incorruptos cõseruet; puluerem si quando adhaerit, excuti curet; tum etiam diligenter caueat, ne libri humiditate corrumpantur, vel a muribus corrodantur.

A Rectore etiam obtineat, vt volumina, quæ pro vetustate, carie siue obsolescent, Librario opere poliantur; dissoluta, & malè compacta, conglutinentur; ab operculo nuda, asseribus, coriove tegantur.

Indicem conficiat librorum omnium, quos ex bibliotheca de mandato Rectoris ludi Magistris, aut alijs accommodabit; eosque cum reddiderint, expungat; quos autem clericis accommodauerit, eos singulis saltem sex mensibus (nisi forte citius propter alicuius discessum aliamve causam id faciendum sit) sibij

reddat.

reddi faciāt; vt vel iisdem, si ita expedire visum fuerit, vel alijs, qui indigeant, eadem vt supra constituta ratione accommodet.

Indicem vnum, vel alterum librorum prohibitorum apud se habeat; vtq; nullus eiusmodi liber in bibliotheca sit, diligenter videat; tum si quem fortē in ea comperit, emendandum ijs statim denunciēt, penes quos corrigendi facultatem esse sciēt.

De Familia inferiori. Cap. X.

Quotidie mane inferior familia statim, ac surrexerit, in templum ad Missam cōueniat, nisi fortē quis necessaria officij occupatione per id tempus impediatur.

Diebus festis post prandij præstō erunt omnes ad Doctrinæ Christianæ expositionem atq; tractationem, hora quæ eis præscribetur à Confessario.

Prima cuiuslibet Mensis Dominica die, & solennioribus totius anni festis diebus Sacrosanctum Christi Domini corpus sumant; Die autem Sabbati, aut sexta feria, prout à Confessario præscribetur, quæ primam cuiuscunq; Mensis Dominicam diem antecedit, in Vigilijs item solennium dierum, eidem Confessario peccata sua confiteantur; à quo etiam præstitæ confessionis Chirographum Ministro exhibendum accipiant.

Quod ad victum attinet, iisdem regulis teneantur, quibus, & clerici.

Domo non exeant sine Rectoris, & eo absente sine Ministri licētia; domoq; exeuntes nihil secum asportēt, neq; item in Seminarium importent, in seculo eodem Rectore, vel Ministro: cum item exhibunt, aut redibunt, eorum alteri se præsentent.

Præter ea, quæ sigillatim vnicuique ex officio incumbunt, illa omnia præstābunt, quæ à Rectore, vel Ministro iniungentur; Caueant autem, nè tempus inuasiliter consumant.

Decoro, ac modesto vestitu semper vtantur, & nigri, aut suboscuro coloris; neq; in Seminarium recipiantur, priusquam ad præscriptam normam induti

sint, deq; habitu, moribus, & ætate à Rectore probationem obtinuerint.

Famuli, nec arma tractare, aut apud se habere, nec chartis lusorijs, aut talis, aut alio eiusmodi indecoro ludi genere ludere audeant.

Vitent pariter sermones dissolutiones, libros scurriles, & impuros, profanas cantiones, & alia id genus.

Omnes ad secundam mensam conueniant; & ad ea, quæ de suggestu pronunciantur, attenti, modestiam, ac silentijs accuratè seruent.

Nihil prorsus alicui extra Seminarium concedant, quod ad rem familiarem, & ad cibum, vel potum attinet, etiam si minimum sit, non obtenta venia à Rectore.

Ne cum clericis familiaritatem inueant; eos tamen vbicunq; omniq; tempore debito prosequantur honore. Nihil illis sub quouis prætextu dent, vel ab eis accipiant: qui secus fecerint, graui pœna arbitrio Rectoris mulctentur.

Si in aliqua re defuerint, aut Seminarium regulas violarint, eiusdem Rectoris, aut Ministri arbitrio puniantur; contumacibusq; tum aliqua mercedis pars subtrahetur, tum iisdem etiam si opus fuerit, eiiciantur.

P A R S T E R T I A

Quæ ad Clericos Seminarium pertinent.

De Scopo Clericorum Seminarium.

Cap. I.

Adolecentes, qui singulari Dei beneficio sunt delecti, vt in Seminario instituantur, id potissimum intelligere debent, cuius gratia Concilij Tridentini decreto Seminarium instituta sint; & intelligentes, sepius animo repetere; omnesq; neruos intendere, vt illud diuina ope suffragante, ad animarum salutem, ad Ecclesiæ utilitatem, & Pastorum solatium consequantur.

Quod si qui propter improbitatem, aut negligentiam, illud minus obtinebunt, aut quia sua ipsi sponte ab instituto Clericali vitæ recedat, aut suo vitio à Seminario expellantur, vel Episcopo